



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 726. Usque Ad Annum 813

**Fleury, Claude**

**August. Vind. [u.a.], 1760**

**VD18 90117859**

§.44. Ecclesia Orientalis.

---

[urn:nbn:de:hbz:466:1-66091](https://nbn-resolving.org/urn:nbn:de:hbz:466:1-66091)

## §. XLIV.

*Ecclesia Orientalis.*

Sæcul. VIII.

A. C. 744.

Apud Musulmannos Califa Owalido II. dejecto, & necato, Yezidus III. ejusdem Patruelis successit mense sexto anni Hegiræ centesimi vigesimi sexti, id est, circa mensem Aprilem anno septingentesimo quadragesimo quarto; verum nec in pace, nec ultra menses quinque regnavit, cum multi necatum Ovalidum ulciscendi specie seditiones moverent. Yezidus Successorem habuit Ibrahim fratrem suum, qui cum imperasset menses duos, regnum tradidit Merovano, filio Mahometis, fratris Califæ Abdelmelici. Ergo Merovanus Imperii habenas capessens sub initium anni Hegiræ centesimi vigesimi septimi, qui anno Salutis septingentesimo quadragesimo quinto respondet, nec quiete nec diu, nimirum quinque solummodo annis, regnavit. Is Christianis Melchitis indulgit, ut, mortuo Stephano, Patriarcham Antiochenum eligerent Theophylactum Presbyterum Edessenum, virtute clarum, datisque litteris circularibus præcepit Arabibus, ut viro, quem Christiani elegissent, honorem haberent. Anno septingentesimo quadragesimo sexto, Indictione decima quarta mense Januario vehementissimus terræ motus in Syria & in Palæ-

*Elmac. lib. I. c. 19.**Theoph. an. 4. const. p. 353**Id. an. 5.*

K 5                   stina,



Sæcul. VIII. stina, præsertim in Deserto Jerosolyma  
 A. C. 744. multas Ecclesias & Monasteria evertit.

Constantinus Imperator turbis Mu-  
 sulmannorum, quibus dividebantur, so-  
 lenter in rem suam usus, Germanicia, a-  
 liisque Syriæ urbibus captis, incolas, Se-  
 des suas mutare compulsos Constantino-  
 polim, & in alia Thraciæ oppida tran-  
 stulit. Porro inter hos Syros multi e-  
 rant Monosophytæ Hæretici, illius nem-  
 pe Sectæ, quæ in Jesu Christo unam tan-  
 tum Naturam confitebatur, & ad Trifa-  
 gium addebat verba: *Crucifixus pro no-  
 bis.* Qui error Petrum Fullonem Aucto-  
 rem habebat.

*Sup. Lib.* Cum Anastasius Abbas Monasterii  
 XXIX. §. 32 S. Euthymii in Palæstina huic errori fave-  
 Theo. an. 6. re diceretur, id Abbas Sergius data Epi-  
 stola ad S. Joannem Damascenum detu-  
 lit, subjungens, Anastasium affirmare,  
 quod ipsi Joanni sua opinio probetur, &

Qui pro no- Joannes Patriarcha Jerosolymitanus, piæ  
 bis Crucifi- memoria, eandem secutus fuerit senten-  
 xus. tiam. Scripsit igitur hac super re S. Jo-

*Damasc. ep.* annes Damascenus ad Jordanum Abba-  
 de Trisag. tem, dicens, utrumque sibi incredibile  
 fol. 445. videri, vel Anastasium in hunc errorem  
 lapsum, vel eundem a Sergio falso accu-  
 sari. De ipsa vero Doctrina differens,  
 dicit, Petri Fullonis errorem reduci, si  
 Trisagium ad solum filium referatur.

*Isa. 6.* *Non sine causa, inquit, Seraphini audi-  
 ti*



ti sunt ter canere, *SANCTUS!* non ve-  
 ro bis, quater, vel millies; & semel  
 tantum dixerunt, *DOMINUS.* Sed ut  
*Trinitatem Personarum, & Unitatem*  
*Substantiæ demonstrarent. Hinc iste*  
*Deum laudandi ritus, quem Ecclesia ab*  
*Angelis accepit, ad totam Trinitatem*  
*refertur. Hinc etiam est, quod baptizan-*  
*dos ter immergamus, nominantes in sin-*  
*gulis immersionibus singulas Personas. I-*  
*tem ideo in Oblatione Divinorum Myste-*  
*riorum, postquam populus cantavit Tri-*  
*sagium, Sacerdos adjungit: Sanctus es,*  
*Rex Sæculorum! Filius tuus unicus San-*  
*ctus est, & Sanctus Spiritus tuus. E-*  
*contra in elevatione Panis Sacri Evcha-*  
*ristici dicimus: Unus Sanctus, unus Do-*  
*minus, unus JESUS Christus. Hæc ver-*  
 ba a S. Joanne Damasceno citata in illa  
 Liturgia, quæ S. Joanni Chrysoftomo tri-  
 buitur, leguntur. Rogat eum, ad quem  
 scribit, ut sua Epistola in Ecclesia publi-  
 ce legatur, & Anastasius Abbas admo-  
 neatur, ut disputandi finem faciens, Pa-  
 trum Auctoritati cedat. Quod spectat  
 ad Joannem Jerosolymitanum, affirmat,  
 ipsum hanc Doctrinam nunquam tenuis-  
 se. Nunquam, ait, quidquam docuit,  
 quod mihi tanquam suo Discipulo non com-  
 municaverit. Cur vero hæc accusatio  
 mota non est, dum viveret?

Sæcul. VIII.

A. C. 744.

fol. 487.

491.